



Elezziuns communalas 2025 – elezziun da renovaziun ordinaria dalla suprastanza communal

Tenor art. 12 dalla constituziun communal on li las elezziuns ordinaras per installar las novas instanzas communalas ainten la sagonda mesadad digl onn.

La suprastanza ò fixo igls termins suandonts per las elezziuns communalas digl 2025:

1. scrutini: dumengia, igls 28 da settember 2025
2. scrutini: dumengia, igls 30 da november 2025

D'eliger èn igls suandonts commembers resp. las suandontas commembras dallas autoritads per la perioda d'uffezi da quatter onns (2026 - 2029)

- dus commembers resp. dus commembras dalla suprastanza communal

*La titulara actuala **Irene Kolb** stat a disposiziun per l'elezziun d'en'ulterioura perioda d'uffezi dantant tg'igl sagond titular actual **Romeo Poltera** na stat betg ple a disposiziun per la reelezziun.*

Per las elezziuns vala la procedura stipulada ainten la lescha da votaziuns e d'elezziuns digl cumegn da Surses (art. 12 ss). Las propostas electoralas pigl ampren scrutini ston neir surdadas/inoltradas **anfignen igl pi tard venderde, igls 29 d'avost 2025, allas 17.30**, agl scrivant da cumegn u agl sies substitut (biro canzleia communal ainten l'anterioura tgesa da scola a Tinizong, sagond plang). Propostas tgi aintran pi tard n'èn betg vavevlas.

Ena proposta electorala na dastga betg cuntigneir duple candidats resp. candidatas tgi posts libers.

Igls formulars per far propostas electoralas pon neir retratgs a parteir d'immediat agl spurtegl digls sarvetschs d'abitants tar l'administraziun communal a Tinizong u neir cargeas giu dalla pagina d'internet www.surses.ch (categoria: politica & administraziun > cumegn d'urna > elezziuns communalas).

Propostas electoralas fatgas pigl ampren scrutini valan er per igl sagond scrutini, schinavant tg'igl candidat resp. la candidata na reteira betg sia candidatura. Pertutgont las propostas electoralas per igl sagond scrutini valan las mademas determinaziuns conformas agl ampren scrutini.

Las persungas cun dretg da votar survignan igl material da votar (glistas cun igls noms digls candidats resp. dallas candidatas tgi èn proponeidas per l'elezziun ed igls cedels da votar) aglmanc 14 deis avant la votaziun all'urna.

La constituziun communal e la lescha da votaziuns e d'elezziuns pon neir retratgas agl spurtegl digls sarvetschs d'abitants a Tinizong u neir cargedas giu dalla pagina d'internet www.surses.ch (categoria: politica & administraziun > leschas).

Nous supplitgagn da piglier cunaschientscha.

Tinizong, igls 24 da fanadour 2025

La suprastanza communal Surses